

景東直隸廳志卷一之二

疆域

沿革

形勝

山川


閔梁

驛通

里堡

東漢哀牢入貢唐時異牟尋來乞盟開南城蒙樂山之名稍稍見於紀載然中紛割據殆荒略無稽也元初始內附明代列諸屬籍而景東以著我

朝車書火同體國經野之規形方是訓遂為西南一劇郡司此土者覩夫山川繡錯廬井星羅其亦思捍衛而牧圉之以修平乃守云志疆域





元	大理都元帥府	威楚萬戶府	中統三年
	雲南行中書省	威楚路	開南州 <small>至元十年</small>
明	雲南布政司	景東府 <small>至順二年</small>	
		景東府 <small>洪武十五年閏二月</small>	
		楚雄府	景東州 <small>洪武十五年三月降</small>
		景東府 <small>洪武十七年升</small>	
國朝	雲南布政司	景東府	
乾隆二十七年		景東直隸廳	
改府為廳			

景東古徼外荒服地曰柘南曰猛谷曰景董為昔樸和泥二蠻所居楚莊躋略滇漢武通夜郎開西南諸葛定越嶲永昌四郡皆未嘗涉其境惟東漢哀牢入貢白古通載其先九隆有避難開南城之事迨至於唐九隆裔細農羅立國南詔其孫異牟尋嗣祖閣羅鳳稱偽號僭封嶽瀆以蒙樂山為南嶽於其地置銀生節度使兼轄楚雄後為金齒白蠻侵奪移府治於威楚歷鄭趙楊段之世終莫能定元中統三年平之以所部隸威楚萬戶府至元十二年始置開南州仍隸威楚路至順二年設景東府明洪武十五年阿俄

陶納款命掌府事是年三月降為州屬楚雄十七年  
仍陞為府二十二年設景東衙屬雲南布政司嘉靖  
中設流官

國朝因之康熙二十六年裁衛乾隆三十七年改直隸  
廳轄地東西廣二百六十五里南北袤四百五十里距  
京師一萬一千五百里距省城一千一百八十里

東至楚雄府南安州界一百二十里

西至順寧府雲州界二百二十里

南至鎮沅州界二百九十里

北至蒙化廳舊定邊縣界一百三十七里

東南至鎮沅州恩樂縣界一百三十五里

西南至順寧府界三百里

東北至楚雄府鎮南州界一百三十里

西北至蒙化廳界三百里

### 形勢

邦泰孟沼突兀於東南景董鶴籠逶迤於西北大河  
源夙名水寨沿江路長抱山根 蒙樂為屏屹矣崆  
峒之勢蘭津若帶儼然江漢之長徼外之極邊緬楚  
之扼塞 把邊縈繞於東郊瀾滄瀑流於西界鶴籠  
北翔錦屏南列壯普威之聲勢作蒙楚之屏藩

以上俱  
省志

楚蒙唇齒威緬咽喉無量山作鎮於西南安定関通  
途於東北四河若環襟帶五井並列烟村衛城犄角  
以彌雄蘭箐憑陵而特勝

### 山川

玉屏山 廳治後峯巒特出高截雲表兩傍墮抱如  
人垂袖端坐頂勢平坦可容百人

景董山 在治西北即衛城山也其高次玉屏矯如  
虬龍逶迤而下山麓開展因建為城巔峻而平明  
太祖閱地圖以筆點定命築小磚城週數十步以  
藏衣甲因名御筆遺址尚存

邦泰山 城外大河東紆迴秀美若鳳之翔故俗名  
鳳山土官陶氏世居其麓

錦屏山 廳治西南環拱府城形勢和平有泉清列  
曰龍湫

鶴籠山 在治北三文五里一峯翠嶺頂圓如盤正  
面學宮望之蔥鬱

文筆山 在治北二十里危巒峭拔如筆插天

蒙樂山 城西九十里一名無量山高不可躋狀若  
崆峒自北而南綿亘三百餘里蒙氏僭封南嶽石  
枰尚存又出毒泉不可飲經冬積雪春融瀉流有

瀑布千尋之致

孔雀山 在城南十五里為郡鎖鑰上有一池團圓如月

南鯨山 在城南八十里聳峙川尾河流至此折而西南

瑞霞山 城東南百五十里又名花石山突起圓峯高聳百丈二水下流傾瀉數里中有池旁通石竅舊傳一老僧開闔於此石空雲梯尚存

赤佛巖 城南二百里峭壁陡絕石色皆赤俗呼赤佛巖

以上十一山或為郡主鎮或別起支脈餘諸小山土人因地而呼其名甚夥不能備載

浪滄江 即瀾滄江本名蘭倉出吐蕃嵯和哥甸鹿名山入麗江府歷大理永昌東北羅岷山下兩崖壁立截若垣墉鉄纜飛橋懸跨千尺亦曰博南津又東南歷蒙化上羊街保甸入景界出猛緬

中川河 在城東發源南澗之阿克舖南行四日受諸溪水滙為大河經廳治前由中川至者後入恩樂縣為把邊江上流

魯馬河 城東一百二十里發源火石哨經者于哈

嗜嚙入恩樂縣

猛統河 城南二百六十里發源無量山經里歲猛  
統折只入威遠

景谷河 城西二百里發源蠻道村南流入威遠  
以上四河為郡經絡

新橋河 通化河 大壩河 蠻垂河

七村河 董報河 蠻別河 蠻謝河

蠻鹿河 三岔河 孔雀山河 清涼河

蠻倉河 開南河 者吉河 蠻井河

品秀河 南雅河

以上諸河皆匯入中川河灌溉田畝

龍潭 城北九十里歲旱禱雨輒應

笕泉 在衛城源出蒙樂山明指揮袁賢以竹笕引  
水鑿池澹之構亭其上名漱玉

溫泉 在老倉村極清潔俗傳浴之愈疾

石洞 一在無量山深不可測中多蝙蝠大者如扇  
一在哈嗜嚙不甚深內有石獅石床外覆以宇僧  
多居之一在指街直下三層門壁宛然

石人 在蠻倉村山頂上二石對立如人高八尺許  
俗呼石公石婆土人往往祈嗣



關梁

安定關 治北百四十里樓壞定邊為郡咽喉

母瓜關 在城南今廢

景瀾關 治南八十里地名東都喇闕廢碑存

渡缸口渡 治南清涼橋

蠻井渡 都喇渡 中所渡 那允渡

者後渡 蔓里江渡

蘭津橋 距城百二十里峭壁竦立仰插霄漢俯映

滄江飛泉激峽複磴危峯地勢阻絕以鉄索繫南

北為橋漢永平中造久廢

溯瀾橋 距城東一里大河至此分流長橋如虹覆

瓦屋六十四間郡人於此趁街久圯

新 橋 城北六里

大壩橋 城北十八里

通化橋 城北一里

蠻垂橋 城北二十里

新站橋 城北八十里

青雲橋 城南門外

雲津橋 城東一里水冲無存

者吉橋 城南七十里

通津橋 城西二里菊河內水沖無存

旭升橋 城南六里

孔雀山石橋 城南十五里

清涼橋 城南二十里

蠻倉橋 城南三十里

開南橋 城南四十里

驛遞

景東驛 康熙元年裁

板橋驛 久裁土驛丞仍世襲

奉設舖遞一十一所舖兵一十五名

府前舖 舖兵二名至中所三十里

府後舖 舖兵一名至灰窰四十里

灰窰舖 舖兵一名至新站四十五里

安定舖 舖兵一名至南澗大鉄窰三十里

中所舖 舖兵二名至蠻罵五十里

蠻罵舖 舖兵二名至者後雀山後哨四十里

者後舖 舖兵二名至恩樂縣四十里

雀山哨舖 舖兵一名至猛統四十里

猛統舖 舖兵一名至烏木五十里

烏木舖 舖兵一名至威遠漫折哨十五里

里堡

景東里 離城九十里

開南里 離城四十五里

者吉里 離城七十里

都喇里 離城八十五里

漢者後里 離城一百四十里

夷者後里 離城一百五十里

上仲古里 離城二百七十里

下仲古里 離城二百七十里

上保甸里 離城三百里

下保甸里 離城二百里

猛統里 離城二百二十里

里歲里 離城二百二十里

上者孟里 離城一百三十里

下者孟里 離城一百三十里

上五甲 離城十五里

中五甲 離城十里

下五甲 離城十里

上川莊 離城五里

中川莊 離城三十里

魯馬莊 離城二百一十里

猛統莊 離城二百五十里

東下川 離城三十里

西下川 離城三十里

圈美圈 離城一百五十里

圈掌圈 離城一百五十里

力法圈 離城五十里

者法圈 離城五十里

上猛整圈 離城九十里

下猛整圈 離城九十里

猛丁圈 離城一百里

圈况圈 離城一百四十里

福都圈 離城一百六十里

圈快圈 離城二百里

猛片圈 離城三百七十里

上圈冒圈 離城一百七十里

下圈冒圈 離城一百七十里

蔓里圈 離城三百五十里

猛猱圈 離城三百三十里

景谷圈 離城三百五十里

者冬圈 離城二百六十里

者來圈 離城二百七十里

者牙圈 離城二百二十里

圈鉄圈 離城二百四十里

上仰里圈 離城一百六十里

下仰里圈 離城一百六十里

圈折圈 離城二百四十里

烏木圈 離城二百六十里

按舊志驛遞後載有邊隘蓋康熙初年設以堵禦者曰上水菁隘治東八十里界楚雄府蛇烏籠岡

曰中水菁隘治東北百二十里南安州曰下水菁隘治東百三十里界礮嘉曰蠻岔隘治東南百六十里界恩樂僇嘉門斗鄉曰石婁坡隘治東百一十里曰者後隘治東南百二十里界恩樂普洱曰黃泥灣隘治南百二十里曰猛統隘治南百六十里界鎮沅威遠曰折只隘治南二百四十里界威遠曰邦別隘治東五十里界礮真哀牢曰福都隘治東百八十里界礮嘉恩樂下至新平新化曰小仰里隘治南百六十里曰景谷隘治西南二百八十里界浪滄江上至順寧雲州下至猛緬猛良共

一十三處省志亦載關哨城東一百二十里為水塘哨城西南一百五十里為雀山哨城北六十里為鎮夷哨城北一百二十五里為九廠哨城東北一百二十里為火石哨城東五十里為邦別隘城東七十里為撇羅隘城東南一百二十里為者後隘城東南一百六十里為蠻岔隘城東南二百里為小卡隘城南二百二十里為大卡隘城南二百四十里為折只隘城西南三百四十里為猛猯隘自設景蒙營惟安福都仰里景谷三汛今塘哨之中尚有因其名者已載入兵防故不具錄